

վորդք տեղւոյն առհասարակ կոչեն զայն՝ Հաւս եւ Մեծիւն .
 և գերկրորդն՝ ճէնաճէն եվէ , այսինքն տուն Աննա քահա-
 նայապետի , որ այժմ ստի՝ Տէյր եւ զէյլուանէ : Սակայն Հայք
 ցուցին թէ այլ են այդոքիկ տեղիք , որք են աւերակ , և
 այլ մերքն՝ որք են չէն : Յետ ծանուցելոյ զայս ամենայն
 Ատենին երկար բանիւք , մատուցին զյատակադիծս վա-
 նօրէից Հայոց և Յունաց , որով առաւել պարզեցաւ խըն-
 դիրն , և գրեցաւ վանք մեծ Ս . Յակոբ 'ի Թաղն Սիոնի ,
 և օրն տարածամեալ փակեցաւ Ատեանն :

Այս նիստ առաւել տաժանելի եւ դժուարին եղև
 Հայոց , զի ոչ ունէին 'ի ձեռս իւրեանց ոչ դիր և ոչ ար-
 ձանագրութիւն , զի զոր ինչ ասէին բանիւ՝ ոչ կարէին
 հաստատել զորով , և տարակուսեալ էին թէ իցե՞ն արդեօք
 հրովարտակք յերուսաղէմ : Զի թէ պէտեւ բոլոր տեղիքն
 Հայոց գրեցան յիւրամին , բայց երեք հետեւակ ազգքն
 մնացին արտաքոյ . զի Յոյնք ասէին՝ թէ մեր են , և Հայք
 զհակառակն պնդէին , Գառաւորք խոստացան՝ եթէ իցեն
 անուանք նոցա գրեալ 'ի հրովարտակս Հայոց՝ նոցա լիցին ,
 իսկ եթէ ոչ՝ Յունաց . և Հայք յանձն առին և խոստացան
 յԱտենի անդ բերել զհրովարտակս իւրեանց , զի Գիոնէ-
 սիոս վարդապետ հաւաստէր նոցա , թէ հրովարտակքն են
 'ի դանձարանն Ս . Յակոբայ :

Եւ 'ի վաղիւն ժողովեցան Իշխանաւորք ազգին ընդ
 Յովհաննու Պատրիարքի 'ի նոր խան՝ Լճնայ օրասի կոչե-
 ցեալ տեղին ('ի 10 Օգոստոսի) , որոց միարան սիրով յանձն
 առեալ էր յօժարութեամբ աշխատիլ յայս գործ բանիւ
 և արդեամբք 'ի վերկութիւն ազգային սեփհականութեան ,
 և գրեցին յերուսաղէմ առ Թէոդորոս Պատրիարք սպառ-
 նալեօք եւ ստիպմամբ մեծաւ , անպատճառ առանց ինչ
 ածելոյ զմտաւ առաքել զիյաթթի Շէրիֆան , զի առանց
 նոցին չէր հնար ընդդէմ զինիլ թնամուոյն՝ և թափել 'ի
 ձեռաց նորին զսեփհականութիւնս ազգին , զի կարի կա-
 րեւորք էին նոքա առ այն դատաստանս : Զկնի ելանելոյ
 իրաւանց 'ի ձեռաց մերոց ասէին՝ զի՞ եւս պիտոյ են հրօ-
 վարտակք , բայց եթէ ընկենուլ 'ի հուր , զի եթէ դար-
 ձեալ կասկածելով 'ի սնոտի երկիւղէ ինչ ոչ առաքես-
 ցես զնոսա , անպարտ եմք առաջի Աստուծոյ , հրաժարեալ